

Broj: 10-14/5-229-8-15/18
Sarajevo, 14.04.2018. godine

Na osnovu člana 64. stav (1) tačka a), člana 70. st. (1), (3) i (6) Zakona o javnim nabavkama BiH („Službeni glasnik BiH”, broj 39/14), federalni ministar poljoprivrede, vodoprivrede i šumarstva, d o n o s i

O D L U K U

o izboru najpovoljnijeg ponuđača za pružanje usluge fiksne i mobilne telefonije za potrebe Federalnog ministarstva poljoprivrede, vodoprivrede i šumarstva

I.

Na osnovu provedenog otvorenog postupka sa objavom obavještenja na Portalu javnih nabavki broj: 855-1-2-3-8-12/18 od 21.03.2018. godine prihvata se preporuka Komisije za javne nabavke i okvirni sporazum za pružanje usluga:

- fiksne telefonije LOT 1. - za potrebe Federalnog ministra poljoprivrede, vodoprivrede i šumarstva dodjeljuje se ponuđaču "BH Telecom" d.d. Sarajevo za ponudu broj: 08.2.2-16123/18-04 od 03.04.2018. godine u iznosu od 51.888,00 KM bez PDV-a, za period od 2 (dvije) godine.

II.

Na osnovu provedenog otvorenog postupka sa objavom obavještenja na Portalu javnih nabavki broj: 855-1-2-3-8-12/18 od 21.03.2018. godine prihvata se preporuka Komisije za javne nabavke i okvirni sporazum za pružanje usluga:

- mobilne telefonije LOT 2. - za potrebe Federalnog ministra poljoprivrede, vodoprivrede i šumarstva dodjeljuje se ponuđaču "BH Telecom" d.d. Sarajevo za ponudu broj: 08.2.2-16123/18-05 od 03.04.2018. godine u iznosu od 24.623,52 KM bez PDV-a, za period od 2 (dvije) godine.

III.

Prijedlog okvirnog sporazuma o pružanju usluga fiksne telefonije dostavit će se izabranom ponuđaču iz tačke 1. i 2. ove odluke 15 dana od dana okončanja postupka javne nabavke.

IV.

Ova odluka bit će objavljena na službenoj internetskoj stranici Federalnog ministra poljoprivrede, vodoprivrede i šumarstva, www.fmpvs.ba i dostavit će se izabranim ponuđačima koji je učestvovali u postupku javne nabavke.

IV.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka broj: 10-14/5-229-8/18 od 01.02.2018. godine. Javna nabavka je provedena po otvorenom postupku u skladu sa članom 25. Zakona o javnim nabavkama („Službeni glasnik BiH”, broj 39/14).

Za predmetnu javnu nabavku Ugovorni organ je objavio poziv za podnošenje ponude i tendersku dokumentaciju na Portalu javnih broj: 855-1-2-3-3-6/18 i Ispravku obavještenja o nabavci pod broj: 855-1-2-3-8-12/18 dana 21.03.2018. godine.

Tendersku dokumentaciju je sa Portala javnih nabavki podiglo 14 (četrnaest) privrednih subjekata.

Do krajnog roka utvrđenog u tenderskoj dokumentaciji za dostavu ponuda, tj. do 05.04.2018. godine do 13,00 sati, pristigle su sljedeće ponuđača i to:

Lot 1.

Redni broj	Naziv ponuđača	Datum prijema	sat	Ponuda zavedena
1.	"BH Telecom" D.D. Sarajevo	05.04.2018.	11: 54	10-14/5-229-8-10/18

Lot 2.

Redni broj	Naziv ponuđača	Datum prijema	sat	Ponuda zavedena
1.	M tel Banja Luka	05.04.2018.	11:15	10-14/5-229-8-9/18
2.	"BH Telecom" D.D. Sarajevo	05.04.2018.	11: 54	10-14/5-229-8-11/18

Postupak otvaranja ponuda održan je dana 05.04.2018. godine sa početkom u 13,30 sati, u Ministarstvu, Marka Marulića 2. V sprat, mala sala u prisustvu predstavnika ponuđača "BH Telecom d.d. Sarajevo i "MTEL" AD Banja Luka.

Komisija je blagovremeno i pravilno izvršila otvaranje ponuda o čemu je sačinjen odgovarajući zapisnik u kojem je konstatovano da je blagovremeno za LOT 1. pristigla 1 (jedna) ponuda, a za LOT 2., pristigle su 2 (dvije) ponude, te da nije bilo neblagovremeno zaprimljenih ponuda.

Ponuđači su za nabavku usluga fiksne telefonije Lot 1. ponudili sljedeću ukupnu cijenu izraženu u KM bez PDV-a i to:

Redni broj	Ponuđač	Broj ponude	Ukupna vrijednost za dvije godine
1.	"BH Telecom" d.d. Sarajevo	08.2.2-16123/18-04	51.888,00

Ponuđači su za nabavku usluga mobilne telefonije Lot 2. ponudili sljedeću ukupnu cijenu izraženu u KM bez PDV-a i to:

Red broj	Ponuđač	Broj ponude	Ukupna cijena	Rok isporuke servisa	Rok plaćanja
1.	"Mtel" a.d. Banja Luka	1-04-74-2033-3/18	114.552,00	1 radi dan	60 dana
2.	"BH Telecom" d.d. Sarajevo	08.2.2-16123/18-05	24.623,52	1 radi dan	60 dana

Komisija je na zatvorenoj sjednici održanoj 11.04.2018. godine, izvršila analizu ponude vezano uz ispunjenje zahtjeva u pogledu opisa predmeta nabavke i tehničke specifikacije, tj. da li ponuđač zadovoljava zahtjeve iz tenderske dokumentacije, pristupila ocjeni i rangiranju dostavljenih ponuda i dodjeljivanju ugovora ponuđaču čija ponuda zadovoljava kriterije navedene u zahtjevu za dostavljanje ponuda, u skladu sa odredbama Zakona o javnim nabavkama Bosne i Hercegovine ("Službeni glasnik BiH", broj: 39/14).

Ugovorni organ je tenderskom dokumentacijom propisao da će Odluka o izboru najpovoljnijeg ponuđača biti donijeta primjenom kriterijuma ekonomski najpovoljnija ponuda.

Kriterij za dodjelu ugovora su:

- Cijena..... 60 bodova
- Rok isporuke..... 20 bodova
- Rok plaćanja.....20 bodova

Uvidom u priloženu dokumentaciju za **Lot 1- usluge fiksne telefonije**, neosporno je da je ponuđač "BH Telecom" d.d. Sarajevo jedini dostavio, u predmetnom postupku javne nabavke, ponudu koja je prihvatljiva u skladu sa tenderskom dokumentacijom, u iznosu od **51.888,00 KM** bez PDV-a, na period od 2 (dvije) godine.

Uvidom u priloženu dokumentaciju za **Lot 2- usluge mobilne telefonije**, Komisija za javne nabavke je konstatovala da su ponude dostavili ponuđači: "BH Telecom" d.d. Sarajevo i "Mtel" a.d. Banja Luka, izvršila bodovanje i rangiranje ponuda u skladu sa kriterijem ekonomski najpovoljnija ponuda.

Rang lista nakon primjene kriterija ekonomski najpovoljnija ponuda:

R. br.	Ponuđač	Ukupna cijena	Bodovi	Rok isporuke servisa	Bodovi	Rok plaćanja	Bodovi	Ukupno bodova
1.	"BH Telecom" d.d. Sarajevo	24.623,52	60,00	1 radni dan	20	60 dana	20	100,00
2.	"Mtel" a.d. Banja Luka	114.552,00	12,90	1 radni dan	20	60 dana	20	52,90

Nakon stručnog razmatranja, ocjene i dostavljenih ponuda za pružanje usluga mobilne telefonije – LOT 2. koje zadovoljavaju uslove iz tenderske dokumentacije broj:10-14/5-229-8-1/18, Komisija za javne nabavke je u skladu sa kriterijem ekonomski najpovoljnija ponuda, utvrdila da je najpovoljniji ponuđač za pružanje usluga mobilne telefonije za potrebe Federalnog ministra poljoprivrede, vodoprivrede i šumarstva ponuđač "BH Telecom" d.d. Sarajevo, jer zadovoljava tehničke i ekonomske uslove iz tenderske dokumentacije i ne prelazi procijenjenu vrijednost za predmetnu nabavku.

Izabrani ponuđač je, kako je gore navedeno, ocijenjen sa ukupno 100,00 bodova, dok je ponuđač "Mtel" a.d. Banja Luka, ostvario 52,90 bodova.

U postupku ocjene provedenog postupka, Komisija za javne nabavke nije našla razloge, koji bi eventualno bili osnov za neprihvatanje ponuda.

Na osnovu svega iznijetog, Komisija za javne nabavke predložila je da se u otvorenom postupku javne nabavke, čiji je predmet nabavke pružanje usluga fiksne i mobilne telefonije podijeljen u dva lota, za Lot 1. i Lot 2. donese odluku o zaključivanju okvirnog sporazuma, sa ponuđačem "BH Telecom" d.d. Sarajevo, na period od dvije godine.

Nakon izvršenog pregleda i ocjena ponuda, Komisija je dostavila Zapisnik o pregledu i ocjeni ponuda, broj: 10-14/5-229-8-14/18 od 13.04.2018. godine i preporuku o izboru najpovoljnijeg ponuđača:

- „BH TELECOM“ d.d. Sarajevo - za pružanje usluga fiksne telefonije LOT 1., u iznosu od 51.888,00 KM bez PDV-a za period od 2 (dvije) godine,
- „BH TELECOM“ d.d. Sarajevo - za pružanje mobilne telefonije LOT2., u iznosu od 24.623,52 KM bez PDV-a na period od 2 (dvije) godine.

U provedenom postupku nisu nađene nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

U skladu sa članom 64. stav (1) tačka a) Zakona o javnim nabavkama, podzakonskim aktima, internim aktima i tenderskom dokumentacijom, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem Federalnog ministarstva poljoprivrede, vodoprivrede i šumarstva, u roku od 10 (deset) dana od dana prijema ove Odluke i to u pisanoj formi i u dovoljnom broju primjeraka a koji ne može biti manji od tri.



MINISTAR

mr. sc. Semsudin Dedić

Dostaviti:

- „JP „BH Telecom“ d.d. Sarajevo,
- „MTEL“ a.d. Banja Luka,
- Komisiji za javne nabavke,
- a/a.